

ՄԱՄՎԵԼ ԱԼԵՔՍԱՆՅԱՆ

Դիտարկելով համայնքը, որպես հասարակության հիմնական տնտեսական բջիջ և ճարտարական ամբողջություն¹, ներկայացնում էր, առաջին հերթին ու գլխավորապես, անմիջական արտադրողների՝ գյուղացիների դասակարգը, ի դեմս համայնիկ շինականների²: Ուստի, բուն իսկ համայնքի համադասայնությունն՝ բնորոշմամբ ենթադրվում է, նախ, դասակարգ—գաս լայնիմաստ հասկացության ըմբռնում, հասարակության դասակարգային—դասային բաժանման փաստի արձանագրում, ապա՝ միևնույն համայնքում տարբեր դասերի ներկայացուցիչների առկայության ճանաչում: Սակայն, ըստ ամենալնի, ղդասս՝ արտահայտությունը Ս. Նղիազարյանցի դրույթներում ու եզրակացություններում չի ներառնում սոցիալ-դասակարգային այնպիսի լայն, համապարփակ բովանդակություն ևս, ինչպիսին այժմ ընդունված է: Եվ բավական չէր լինի ասել, թե դա հետևանք էր նրա կողմից լուկ ղդասս և ղդասակարգ բառերի պայմանական, երբեմն՝ իրոք շփոթ օգտագործման: Այլապես, ձևականորեն էլ տրամաբանելի չէր, մի կողմից, խոսել համայնքի համադասայնության մասին, մյուս կողմից պնդել, թե տակավին Արևելյան Հայաստանի խառնուրդներում և առհասարակ սմահմեղական Արևելքում դասեր չկային³: Այս վերջին միտքն արդեն պետք է կանխել համայնքի համադասայնության վերաբերյալ ամեն մի ենթադրություն: Մինչդեռ Ս. Նղիազարյանցը համոզված պնդել է, որ միևնույն համայնքում գյուղացիների հետ ապրում և պետական ու տե-

1 Գ. Մ ա Ր Զ ա, Կապիտալ, հ. 1, Երևան, 1954, էջ 376, 378:

3 С. А. Егiazаров, *Формы общины и крестьянского землевладения в Тифлисской губернии* («Свод материалов по изучению экономического быта государственных крестьян Закавказского края» *«(შენიშნული»* «Свод материалов»), т. II, Тифлис, 1887, с. 414.

րունի հողերն էին տիրում ուրիշ դասերի պատկանող, ճիշտ է՝ քիչ թվով մարդիկ⁴։ Այստեղ նա նկատի է տնեցեղ Վարտեմյալ դասը՝ ներկայացնող բեգերից, մելիքներից, աղաներից, առևտրականներից ու հայ հոգևորականներից ումանց, որոնք, շնայած «գլխավորն սարքերությանը, կողմնակի տարր չէին» համայնքում⁵։

Դիտարին է թվում այսքանից հետո արձանագրել բացահայտ հակասություն. դասեր առհասարակ չկային, միաժամանակ համայնքի խառը կազմի⁶ (համագլխավորության) հայտանիշը տարբեր դասերի մարդկանց առկայությունն էր նրանում, Ավելին. Ս. Նդիազարյանցը նշել է, որ խանություններում «բացառությամբ տեղական ազնվականությունը կազմող մի քանի հին տոհմերի, մյուս բոլոր ծառայող դասակարգը չէր կազմում ազնվական դաս»⁷, բայց այնուհետև նույն «ծառայող դասակարգի» մարդկանց (վերոհիշյալ բեգերին և այլոց) նույնպես ներկայացրել է իբրև «տեղական ազնվականություն»⁸, ընդ որում, նա պատմական մի զուգահեռով այդ ազնվականության աստիճանակարգերի առաջացումը բացատրել է հետևյալ կերպ. «ինչպես հերցոգների, կոմսերի, բարոնների և այլ պաշտոններից ժամանակի ընթացքում (Նվրդպայում—Ս. Ա.) կազմվեցին առանձին ազնվականական տիրույթներ, այնպես էլ մեզ մոտ, մուսուլմանական պրովինցիաներում, խաներից, սուլթաններից, մելիքներից, բեգերից ու նախնիներից կազմվեցին տեղական ազնվականություն»։ աստիճանակարգերը⁹։ Այսպիսով, ըստ Ս. Նդիազարյանցի, տեղական ազնվականությունը, բացառությամբ մի քանի հին տոհմերի, կազմում էր ոչ թե ազնվական դաս, այլ՝ «ծառայող դասակարգ»։ Պարզ տրամաբանությամբ այսօրինակ ամփոփումը կհանգեցնեք «ազնվականություն» հասկացության բովանդակազրկմանը կամ բառի ինչ որ պայմանական օգտագործման գերակշիռ թիվ կազմող այն «ազնվականների» վերաբերմամբ, որոնց, այդպես կոչելով հանդերձ, չպետք է ներառենք ազնվական դասի մեջ։ Սույն առնչությամբ Ս. Նդիազարյանցի երկու դրույթը ես չեմ լրացնում միմյանց, նույնիսկ անհարիր են։ Մի դեպքում նա նշել է, որ տեղական ազնվականությունն իր մեծ մասով (ի տարբերություն մի քանի հին տոհմերի) կողմնակի տարր չէր գյուղական համայնքում¹⁰, մեկ այլ դեպքում վերջինիս համագլխավորության հայտանիշ է ճանաչել այդ ազնվականության լոկ քիչ թվով ներկայացուցիչների տերունի հողատիրությունն ու մասնակցությունը համայնքի ներքին կյանքին¹¹։ Սակայն մեզ համար կարևորը ոչ թե Ս. Նդիազարյանցի ակնարկած «ազնվական դասի» և «ծառայող դասակարգի» քանակական հարաբերակցությունն է, այլ՝ դրանց խմբավորման նրա սկզբունքը։ Հաջիվ թե Ս. Նդիազարյանցն անտեսած լինեք հիշյալ հին տոհմերի՝ իր համոզմամբ ես՝ ազնվական դասի մարդկանց առկայությունը պետական պաշտոնյաների (ծառայանու) շարքում։ Նա, ինչպես կտեսնենք, ելակետ է ընդունել այդ դասի և մյուս բոլոր տեղական ազնվականության կամ «ծառայող դասակարգի» տարբերակման մեկ այլ չափանիշ, ինչին և սերտորեն առնչված են համայնքի համագլխավորության նրա մեկնաբանությունն ու «գլխի», «գլխակարգի», «աղնրվականության» բնութագրումները։ Վերջապես, այդ բոլորը պայմանավորված է հողային սեփականության, հողագլխավորության հարաբերությունների, մարդ-

⁴ С. А. Егиазаров, Исследования по истории учреждений в Закавказье, ч. I, Сельская община (այսուհետև՝ «Сельская община»), Казань, 1889, с. 1.

⁵ Նույն տեղում, էջ 1—2։

⁶ Նույն տեղում, էջ 2։

⁷ Նույն տեղում, Առաջարան, էջ II—III, նաև՝ էջ 2։

⁸ Նույն տեղում, էջ 1։

⁹ Նույն տեղում, էջ 4։

¹⁰ С. А. Егиазаров, Административно-экономический строй сельской общины в Эриванской губернии («Свод материалов», т. I, ч. I, Тифлис, 1887, с. 4); «Сельская община», с. 6.

¹¹ «Сельская община», с. 1.

կանց սոցիալական կացության և հասարակական դիրքի նրա ըմբռնմամբ:

Մեր գրականության մեջ հաճախ է արժարժվել Ս. Նղիազարյանցի առավել հանգուցային դրույթներից մեկը: Ըստ այնմ, մահմեդական հավատադրքի սահմանումները՝ իմամի գերիշխանության տակ գտնվող երկրներում հողի մասնավոր սեփականության բացակայության մասին, իրականում դարձել էին անրովանդակ՝ առանձնապես ուշ միջնադարի և XIX դ. սկզբի Արևելյան Հայաստանի խանությունների վերաբերմամբ¹², Սուլեյմանյան համալուծման հետևանքով կապահանջեր հողային սեփականության հարցի լայն քննություն: Հիշենք միայն, որ այդ կապակցությամբ նա փաստարկել է միևնույն գյուղական համայնքում, մի կողմից, գյուղացիական ծխատիրական մուլքերի, մյուս կողմից՝ վերոհիշյալ «ուրիշ դասերի» մարդկանց հողերի (գնված, նվիրաբերված մուլքերի, գյուղի հողատարածքի $\frac{1}{10}$ -ի չափով գյուղական կառավարիչներին հատկացվող ախլատներին, անօգտագործելի-անմշակ տարածություններից անհատական հողագրավով մշակելի դարձած մազրանների) ժառանգական փոխանցումն ու ինքնակամ տնօրինումը¹³: Սովորական իրավունքով, նշել է Ս. Նղիազարյանցը, բոլոր այդ հողերը դիտվում էին իբրև տիրոջ սեփականություն¹⁴:

Արդ, խնդրին մոտենալով լուրջ հողի տնօրինման իրավունքի և ոչ թե՛ նրա տնտեսական իրազման, որպես որոշակի հասարակական հարաբերության տեսանկյունից, նա ի հաստատումն հողային սեփականության շատ ավելի լայնահուն հարցն արժարժող իր դրույթի, հավասարաբեռ փաստարկ է ձանաչել և՛ հիմնական արտագործողների (շահագործվող համայնիկ գյուղացիների), մուլքատիրությունը և՛ բեգերի, մեխիքների, աղաների, հայ հոգևորականների, առևտրականների անհատական հողատիրությունը: Դժվար չէ կռահել ըստ էության տարբեր երևույթները համահարթող այսօրինակ մոտեցման ներքին սերտ կապը Ս. Նղիազարյանցի այն հայտարարություններին, թե՛ ա) Աբեևելջի երկրներում մարդու սոցիալական կացությունը որոշվում էր նրա զբաղմունքի տեսակով¹⁵, բ) Արևելյան Հայաստանում գյուղում բնակվող և երկրագործությամբ զբաղվող բոլոր կարգի արտոնյալներն իրենց հասարակական դրությամբ պատկանում էին հողագործական դասակարգին, ինչպես գյուղական մյուս բունակչությունը¹⁶, գ) տեղական ազնվականության մեծ մասն այստեղ, պարսից տիրապետության օրոք և մինչև XIX դ. երկրորդ կեսը, կառած մնալով հողին, վերջնականորեն չէր առանձնացել գյուղացիությունից իբրև «հատուկ դաս» բառիս խիստ և տեխնիկական իմաստով և... ավելին չէր, քան ծառայող դասակարգը¹⁷: Վերջին վերապահությունը, որով ակնարկված է հատուկ դասի առանձնացում տեխնիկական իմաստով (անշատումը երկրագործությունից), լրացնում է Ս. Նղիազարյանցի նկատառումն առհասարակ ազնվականության ու «ծառայող դասակարգի» մարդկանց վերաբերյալ. նրանք գյուղացիների հետ նույն «դասակարգին» էին պատկանում՝ որչափ զբաղվում էին հողագործությամբ, ինչը խորթ էր մարդու ազնվական ծագմանն ու վիճակին: Ուրեմն, երկրագործական զբաղմունքն այստեղ առաջադրվել է իբրև մարդկանց դասակարգային-դասային տարբերակման չափանիշ:

Հետաքրքիր է, որ այս բոլորի կողքին Ս. Նղիազարյանցի գործերում չենք գտնում որևէ եզրակացություն՝ գյուղաբնակչության սոցիալ-դասակարգային միատարրության վերաբերյալ: Մինչդեռ նրա վերոհիշյալ դրույթների գնահատումը՝ դասակարգ-դաս հասկացության և մարդկանց սոցիալ-հասարակական

¹² Նույն տեղում, էջ 137—138, տե՛ս նաև՝ «Свод материалов», т. II, с. 416.

¹³ «Сельская община», с. 1—2, 16—17, 18, 137—138, 148, 149, 150, 224, 227, 292; «Свод материалов», т. I, ч. I, с. 9—12, т. II, с. 416, 417, Ս. Նղիազարյանց, Ֆեոդալական հողատիրությունը նվազապես, մեր երկրի հայաբնակ մասում և մեր գյուղացու այժմյան տնտեսական դրությունը, Քիֆիս, 1882, էջ 4—5:

¹⁴ «Сельская община», с. 150—152; «Свод материалов», т. I, ч. I, с. 9.

¹⁵ «Свод материалов», т. II, с. 384; «Сельская община», с. 2.

¹⁶ «Свод материалов», т. I, ч. I, с. 4; «Сельская община», с. 2.

¹⁷ «Сельская община», с. 6; «Свод материалов», т. I, ч. I, с. 4.

կացութիւնը որոշող գործոններէ մեր ըմբռնմամբ, հանգեցնելու էր այդիմաստեղերականացութեան, եւ տվալ դեպքում ասել միայն, թե Ս. Նիդազարյանցի սեփական ամփոփումները անհետկողական կամ թերաւարտ են, կնշանակեր շրջանցել հարցն ըստ էութեան: Առերևույթ նույնիսկ թվում է, թե այդ դրույթները չեն համընկնում նրա հետեւյալ պնդումներին. «Նախկին խանութիւնների հասարակական կարգը տներ դասակարգային բնույթ»¹⁸ և եթե Արեւելքում չկային դասեր, սրանց խիստ «տեխնիկական» առանձնացման իմաստով, ապա կային «ժողովրդի տարբեր դասակարգներ»¹⁹ (ուրեմն, պետք է հասկանալ՝ նաև գասակարգներ միեւնոյն «հողագործական դասակարգի» ներսում): Բայց բանն այն է, որ Ս. Նիդազարյանցը, որեւէ ակնարկ չանելով գյուղաբնակչութեան սոցիալ-դասակարգային միատարրութեան մասին, այդուամենայնիւ, նկատի չի ունեցել իր շոշափած հարցի էութիւնը՝ հիմնական արտադրողների և շահագործողների դասակարգային բաժանման ու նրանց փոխհարաբերութիւնների բուն իսկ սոցիալ-տնտեսական հիմքերը: Դրա փոխարեն նա մատնանշել է «ժողովրդի տարբեր դասակարգներ» այնպիսի տարբերութիւններ ևս, որոնց մակերեսային ընդգծումը, հեռացնելով «դասակարգ» բնորոշման հիմնական բովանդակութիւնից, այդ բառի գործադրումն իսկ դարձրել է խիստ պայմանական:

Այսպես. ըստ Ս. Նիդազարյանցի, գյուղաբնակչութիւնը կազմված էր «գյուղական արտոնյալների դասակարգներից»²⁰ և «ռայաթ կոչվող հարկատու դասից»²¹: Առաջինների շարքում նա դասել է թագավորական հրովարտակ կամ խանական թալաղ ունեցող «իսկական բեգերին ու մեխլքներին», ապա՝ «ժամանակավորապես համայնքների կառավարող» ու դրա շնորհիւ պետական հարկից ազատվող բեգերին, մեխլքներին, նախններին, գեղջավազներին, վերջապես՝ հայ հոգևորականներին²²: Ընդ որում, ինչպես տեսանք, այս երեք «դասակարգերը», բացառյալ երկրագործութեամբ չբաղվող որոշ ազնվական հին տոհմեր, նրա կարծիքով, գյուղացիների հետ միասին պատկանում էին «հողագործական դասակարգին», այն տարբերութեամբ, որ ազատվում էին (ճիշտ կլինի ասել՝ հատուկ առանձնաշնորհումներով կարող էին ազատվել) հարկից: Սակայն պարզ է, որ մասնակի կամ լրիւ ապահարկման հարցն անմիջապես վերաբերում է գանձարանի և արտոնյալների՝ իբրև անհատ հարկատու տնտեսատերերի, ոչ թե՛ վերջիններիս ու շահագործվող ունեւատու գյուղացիութեան փոխհարաբերութիւններին:

Այնուհետև Ս. Նիդազարյանցը մի քանի «դասակարգեր» է մատնանշել նույնիսկ արտադրող գյուղացիութեան կամ «ռայաթ կոչվող հարկատու դասի» ներսում. ա) «հարկատու (պետական—Ս. Ա.) հողերի» վրա բնակվող մեծաթիւ գյուղացիների դասակարգ, բ) տերունի կամ մուքադարական գյուղերում բրնակվող գյուղացիների դասակարգ, վերջապես՝ գ) յարիքլար-կիսրարների և ընչադուրկ-ռանչարների դասակարգ²³: Այստեղ ևս ակնբախ է շփոթութիւնը. երեք կարգի (կատեգորիաների) գյուղացիները, որոնք կազմում էին մի դասակարգ, ներկայացված են իբրև «ժողովրդի տարբեր դասակարգեր»: Սրանց խմբավորումը «դաս» անվան տակ լիարժեք իմաստ կունենար, եթե առանձնացման շափանիշ դիտվեր ոչ միայն պետական հարկաբաժնի վճարումը, որից կարող էին արտոնվել վերոհիշյալ մյուս «դասակարգերը», այլև՝ վերջիններիս օգտին մասնահանվող հողային ունեւատն:

Ինչպե՞ս է գնահատվել այս ամենը մեր պատմագիտական գրականութեան մեջ: Նախ հիշենք, որ «ստրկատիրական ու ֆեոդալական (ինչպես նաև ճորտատիրական) հասարակութեան դասակարգերը նաև առանձին դասեր էին»²⁴,

¹⁸ «Сельская община», с. 2.

¹⁹ «Свод материалов», т. II, с. 414.

²⁰ «Свод материалов», т. I, ч. I, с. 1—3.

²¹ «Сельская община», с. 15.

²² «Свод материалов», т. I, ч. I, с. 1—3.

²³ «Сельская община», с. 15—16.

²⁴ Վ. Ի. Լենին, ՆԺՏ, հ. 6, էջ 387:

այսինքն՝ նախակապիտալիստական այդ երկու հասարակության դասակարգերից յուրաքանչյուրին վերաբերելի է «դասակարգ-դաս»²⁵ հասկացությունը։ Սովետական հետադոտոդներինց Ս. Մարկոսյանը նկատել է, որ Ս. Եղիազարյանցն այդ հասկացության բովանդակությունը հանգեցրել է մարդկանց զբաղմունքին՝ որչափ անտեսել է ֆեոդալական ռենտայի մասնատրմամբ օժտված բեզամուլքադարական դասի իսկապես արտոնյալ վիճակը՝ սրա լայն դասակարգային էությունը, և այդպիսով ճշատ վաղուց կատարված տնտեսական առանձնացումը»²⁶ գյուղացիությունից, այսինքն՝ բուն իսկ դասակարգագոյացումը²⁷։ Ավելի պարզ՝ Ս. Եղիազարյանցը, յուրովի ընդգծելով համայնքի համադասայնությունը, շրջանցել է գլխավորը՝ միևնույն համայնքում արտադրողների կողմից բահրա-ռենտայի վճարման և շահագործող դասակարգի մարդկանց կողմից նրա յուրացման փաստի սոցիալ-հասարակական հիմնարար նշանակությունը։ Միաժամանակ, Ս. Մարկոսյանի համոզմամբ, Ս. Եղիազարյանցը «միանգամայն ճիշտ է նկատել բեզա-մուլքադարական դասի իրավական դրույթները իրանական տիրապետության շրջանում»²⁸։ Խոսքն այն մասին է, որ իբր այդ դասի «իրավական առանձնացումը (գյուղացիությունից—Ս. Ա.) կատարվել է միայն ռուսական տիրապետության շրջանում»²⁹։ Սույն պնդումը մեզ թվում է անհարկի անվերապահ՝ և՛ ըստ էության, և՛ Ս. Եղիազարյանցի դրույթների ստույգ գնահատման տեսանկյունից։

Ս. Մարկոսյանը նկատի է ունեցել այն հանգամանքը, որ (Ս. Եղիազարյանցի կարծիքով ևս) պարսկական տիրապետության շրջանում «ճողի (տեբուռնի հողերի—Ս. Ա.) տիրապետման վերաբերյալ բեզա-մուլքադարական դասն իրավականորեն չէր տարբերվում համայնիկ գյուղացուց»³⁰։ Հիշենք նաև, որ Ս. Եղիազարյանցը քանիցս ակնարկել է 1864 թ. հայտնի կանոնադրությունը գյուղական համայնքների մասին, որով «մյուս դասերի ներկայացուցիչները (զանազան արտոնյալները—Ս. Ա.) վերջնականապես հեռացվեցին համայնական գործերից և իրավաբանորեն կազմվեց դասային համայնք»³¹։ Սակայն այս փաստարկները բավարար չեն վերոհիշյալ լայնահուն և այդքան անվերապահ՝ եզրակացությունը հաստատելու համար։ Դատի իրավական առանձնացումը սոցիալ-հասարակական ավելի համապարփակ երևույթ է, որը տվյալ դեպքում չի կարելի սահմանափակել լոկ համայնքի ներքին կառավարման գործերից արտոնյալների հեռացմամբ կամ երկրագործությունից նրանց անջատմամբ։ Հավասարապես և՛ պարսկական տիրապետության շրջանի բեզա-մուլքադարական դասի իրավական դրույթները չի կարող հայտանշվել միայն նրա տեբուռնի հողատիրության բնույթով, որին ընդգծված ուղադրություն է հատկացրել Ս. Մարկոսյանը։ Ընդունելով, որ այդ հողատիրությունը, ինչպես հողի տնօրինման իրավունքի, այնպես էլ հարկատվության (փոքր բահրա-հնգորդի վճարման) առումով (բացառությամբ այն դեպքերի, երբ հողատերը պետական արտոնագրով կամ համայնքի հանձնառությամբ ապահարկվում էր) սկզբունքորեն չէր տարբերվում գյուղացիական ժխատիրական մուլքատիրությունից, ճիշտ չէր լինի ասել նույնիսկ, թե բեզա-մուլքադարական դասի (դասակարգի) շատ վաղուց կատարված տնտեսական առանձնացումը հարյուրամյակներ շարունակ (մինչև 1860-ական թվականները) չէր ուղեկցվել նրա իրավական առանձնացմամբ՝ առհասարակ։ Այլապես կարող է ստեղծվել այն թյուր պատկերացումը, թե տիրող դասակարգը և անմիջական արտադրողները միևնույն իրավական դիրքում էին պետության մեջ ու նրա հանդեպ՝ Հարկ է շեշտել, որ նախակապիտալիստական հասարակություններում դասակարգերի տարբերությունը

25 Վ. Ի. Լենին, ԵԼԺ, հ. 6, էջ 387։

26 Ս. Ս. Մարկոսյան, Նշվ. աշխ., էջ 107։

27 Նույն տեղում։

28 Նույն տեղում։

29 Նույն տեղում, հմմտ.՝ С. А. Егизаров, Сельская община, с. 6.

30 Ս. Ս. Մարկոսյան, Նշվ. աշխ., էջ 108։

31 «Сельская община», Предисловие, с. 111.

«Ֆիքսացիայի էր ենթարկվում բնակչության նաև դասային բաժանման մեջ, ուղեկցվում էր յուրաքանչյուր դասակարգի համար պետության մեջ առանձին իրավական տեղ սահմանելով»³²։ Նկատենք, որ լենինյան այս ամփոփումը վերաբերում է ֆեոդալիզմին ընդհանրապես և ոչ թե նրա զարգացման առանձին պատմաշրջաններին կամ՝ տարբեր երկրներում ըստ էության միևնույն ֆեոդալական հողա-դասային հարաբերությունների ու դրանց իրավաբանական դրսևորման առանձնահատուկ կողմերին։ Պետք էր հետևողականորեն պնդել, որ ֆեոդալական հասարակության բաժանումը դասակարգ-դասերի՝ և՛ նրանց տնտեսական առանձնացման, և՛ իրավական դրույթի առումով, հայտանշվում էր ոչ թե հողային սեփականության տիրապետող (պետական կամ մասնավոր) կոնկրետ ձևով ու հողի իրային-առարկայական տնօրինման իրավունքներով, այլ՝ նրա տնտեսական իրացման շուրջ գոյացած որոշակի սոցիալ-դասակարգային փոխհարաբերություններով։ Վերջիններիս բովանդակությունը, բոլոր դեպքերում (անկախ սեփականության ձևից) ուղղակի, արտատնտեսական հարկադրանքով անմիջական արտադրողներից քամվող հավելյալ արդյունքն էր և սրա՝ իբրև ֆեոդալական ռենտայի կամ հարկ-ռենտայի անաշխատ յուրացումը տիրող դասակարգի կողմից։ Տեսական այս լայն նկատառումով Ս. Ն. ղիազարյանցի դրույթներն անընդունելի են՝ որչափ արժարժում են Արևելյան Հայաստանի «բարձր դասի» և՛ տնտեսական, և՛ իրավական առանձնացում գյուղացիական դասակարգից միայն XIX դ. երկրորդ կեսին։ Չկարևորելով այն իրողությունը, որ Արևելյան Հայաստանի «ծառայող դասակարգը» (ծառայա-նին) արդեն իսկ որոշակի տնտեսական և իրավական տեղ էր զբաղեցնում սովյալ երկրի հասարակության մեջ, նա բեզ-մուլքադարձորի դասակարգային-դասային առանձնացման համար ակնկալել է իրավաբանորեն ձևակերպված ազնվականական ժաղաքացիության» այնպիսի արտոնակարգ և հասարակա-կան-քաղաքական այնպիսի կազմակերպված դեր, որպիսիք այլ երկրներում պայմանավորված էին ֆեոդալական հողադասային հարաբերությունների ու-րիշ ձևերով։ Բնորոշ է, որ Ս. Ն. ղիազարյանցն Արևելքի երկրներում «հասարա-կության առանձին դասակարգերի»³³ գոյություն մատնանշել է բացառապես Վրաստանում, որ ծառայող դասակարգը, դեռ մինչև Ռուսաստանին միանալը, հասցրել էր կազմել ազնվական դաս, որն առաջնակարգ դեր էր խաղում ժո-ղովրդի կյանքում և գյուղացիական դասի մեծ մասին պահում է ճորտային կախման մեջ»³⁴։ Հարկավ, սույն չափանիշով մուլքադարձների սոցիալ-հասա-րակական կացությունը բնութագրելիս, հետազոտողը պետք է նշեր, որ նրանք ճորտատերեր էլին, շատերն էլ իրենց զբաղմունքով, «նույնիսկ կրթությամբ ու կենցաղակերպով էլին տարբերվում գյուղական մյուս բնակչությունից»³⁵։ Բայց մի երկրին բնորոշ չափանիշներով ընդհանրապես բացասել տիրող դա-սակարգի և գյուղացիության առանձնացումը մյուս երկրում՝ կնշանակեր հրա-ժարվել կոնկրետ պատմականության սկզբունքից։ Խոսք կարող է լինել այս կամ այն երկրում յուրաքանչյուր դասակարգի ու դասի իրավունքների «հատ-կության, չափի ու քանակության»³⁶ մասին։ Վրաստանին վերաբերող տողերը առավել պարզությամբ ցույց են տալիս, որ Ս. Ն. ղիազարյանցի համոզմամբ բեզա-մուլքադարական դասը, որպես այդպիսին, առհասարակ չէր առանձնա-ցել գյուղացիությունից, քանի դեռ (ի տարբերություն վրաց ազնվականների) հասարակության առանձին դասակարգ չէր՝ սոցիալ-իրավական առումով։ Այս ընդհանուր դրույթից անջատել ու դրականորեն գնահատել նույն հեղինակի նը-

32 Վ. Ի. Լենին, ԵԺԺ, հ. 6, էջ 387։

33 «Свод материалов», т. III, с. 384.

34 Նույն տեղում։

35 «Сельская община», с. 6; «Свод материалов», т. I, к. I, с. 4.

36 Ս. Ն. ղիազարյանցը մեկ այլ ափսոսալի տարբերակել է «իրավունքի հատկություն» և «իրա-վունքի չափ, քանակություն» հասկացությունները (Ս. Ն. ղիազարյանց, Ֆեոդալական հո-ղատիրությունը Եվրոպայում, մեր երկրի հայաբնակ մասում և մեր գյուղացու այժմյան տնտե-սական դրությունը, էջ 23)։

կատառումներն այդ դասի իրավական դրույթյան լոկ որոշ գծերի մասին (ինչպես դա արել է Ս. Մարկոսյանը), մեր կարծիքով, տրամաբանված չէ՝ թե՛ տեսականորեն, թե՛ պատմաագրական քննության մեթոդի առումով։ Ընդհակառակը, Ս. Մարկոսյանի վերոհիշյալ դիտողությունը հասարակության լիակատար դասակարգային բաժանման վերաբերյալ մենք արժեքավոր կհամարենք այնքանով, որքանով այն մեկնակետ է տալիս ամբողջությամբ վերցրած խոնդրին մոտենալու ֆեոդալական հարաբերությունների էության և ոչ թե միայն դրանց ինչ-ինչ ձևերի ու վերջիններիս իրավաբանական սահմանադրումների տեսանկյունից։ Ուստի, նույն այդ լայն տեսանկյունից, ճիշտ չէր լինի խոսել նաև բեզա-մուլքադարական դասի իրավական դրույթյան կամ իբր միայն 1860-ական թվականներին կատարված նրա «իրավական առանձնացման» մասին՝ շրջագծելով, առաջին հերթին, հենց հողային հարկ-ռենտայի բաժնետիրման նրա անժամկետ պայմանական-ժառանգական ֆեոդալական իրավունքը, վարչակառավարչական և զինվորական պաշտոնավարությունը (Ս. Նդիազարյանցի ականարկած տարբեր աստիճանակարգեցով), ապա՝ իշխողի դիրքը համայնքում ու հասարակության մեջ, օրինելով սահմանված ու չսահմանված (սովորական դարձած, հաճախ ժառանգաբար փոխանցվող), զանազան արտոնությունները դեռ նախորդ հարյուրամյակներում։

Ի դեպ, անարդարացի կլիներ շրջանցել հետևյալ փաստը. Ս. Նդիազարյանցը, ինչպես և XIX դ.—XX դ. սկզբի մի շարք հետազոտողներ, մուլքադարությունն ու թիրուպտիրությունը չի կապել հողի (մուլքատու կամ թիրուպտու գյուղի) մասնավոր կալվածատիրական սեփականատիրման իրավունքի հետ, բայց դրանով հանդերձ արձանագրել է ֆեոդալական հարաբերությունների գոյությունը տու միջնադարի Արևելյան Հայաստանում։ Շնորհամատական ազգագրատությունը,— գրել է նա,— ապացուցում է, թե ֆեոդալական կարգը և հողատիրությունը հատկանիշ է ոչ միայն եվրոպացիների, այլև համարյա բոլոր ասիական և ամերիկական... ազգերին։ Իհարկե, ամեն մի երկիր տալիս է ֆեոդալիզմին իր առանձնահատկությունը, բայց էությունը և բովանդակությունը—մասնավոր հողատիրապետական հարաբերությունների—մնում է միևնույնը։ Ընթերցողի ուշադրությունը դարձնում ենք Պարսկաստանի վրա. մենք մասամբ սրան ենք պարտական մեր կալվածքների (կարդա՝ կալվածային համակարգի—Ս. Ա.) գոյությունով։ Պարսկաստանում, եթե չենք սխալվում, ֆեոդալական հարաբերությունները մինչև այսօր էլ (1880-ական թվականներին—Ս. Ա.) շարունակում են իրենց գոյությունը³⁷։ Հիրավի, ուշագրավ

37 Ս. Նդիազարյանց, նշվ. աշխ., էջ 18—19։ Տարևույթանք է հարուցում առաջմանառարիկի ձանաղված մի անվերապահ պնդում, ըստ որի XIX դ.—XX դ. սկզբի հեղինակները (սկսած Ի. Շոպենից), ժխտելով մուլքադարների և թիրուպտների սեփականատիրական իրավունքները նրանց պատկանող գյուղերի (հողերի) նկատմամբ՝ դրանով իսկ բացառում էին «ֆեոդալական հարաբերություններ», «ֆեոդալական հողատիրության» գոյությունն Արևելյան Հայաստանում՝ Ռուսաստանի հետ նրա միավորմանը նախորդող շրջանում (И. П. Петрушевский, նշվ. աշխ., էջ 57, 222—223, վ. Հ. Ռշտունի, Ուղագծեր Հայաստանի գյուղացիության պատմության, մաս Ա, Երևան, 1960, էջ 13, 17, 28)։ Իհարկե, խոսք չի կարող լինել այդ հեղինակների գործերում հողային սեփականության ձևերին և արտադրահարաբերությունների էությանը վերաբերող լայն հարցադրումների ու տեսականորեն հիմնավոր լուծումների մասին։ Ուրեմն, Ի. Շոպենին և մյուսներին քննադատելիս առավել ևս անհրաժեշտ էր գտնել նշել, թե ինչու՞ նրանք լպիտել է կարողանալին ըմբռնել գոյություն ունեցող հարաբերությունների համակարգի իր ձևավորման ու զարգացման մեջ և եթե բացասում էին ֆեոդալական կարգերի առկայությունը տվյալ երկրում՝ փոխարենն ի՞նչ էին տեսնում։ Համենայնդեպ, լոկ հայտարարած կլինեինք, թե, օրինակ, Ի. Շոպենը և Ս. էսաձեն ժխտում էին ֆեոդալական հողատիրության գոյությունն Արևելյան Հայաստանում, եթե ըստ էության չընեինք այն փաստը, որ Ի. Շոպենի կարծիքով մուլքադարների ու թիրուպտների ժառանգում... կատարելապես միակերպ է ֆեոդալական հողատերերի ժառանգ ընդկալում» (И. Шопен, Исторический памятник состояния Армянской области в эпоху присоединения ее к Российской империи, СПб., 1852, с.

դիտողություններ են սրանք, որոնք կարող էին ամրապնդվել ֆեոդալիզմի հիմնական տնտեսական օրենքին առնչվող հանգուցային հարցերի բազմակողմ բնությամբ, Մասնավորապես նկատի ունենք Արևելյան Հայաստանում հարկի ձև ընդունած ռենտայի հարցը, որն անմիջապես վերաբերում է հողա-դասային հարաբերությունների միևնույն ֆեոդալական էությանը՝ հողի ֆեոդալական սեփականություն պետական ձևի գերիշխման պայմաններում: Սակայն Ս. Նդիազարյանցի գործերում չենք գտնում այդպիսի քննության քիչ թե շատ խոստովանալից փորձեր: Ինչպես նշեցինք, հողային սեփականության հանգուցային հարցին էլ նա անդրադարձել է լոկ հողի իրային-առարկայական տնօրինման իրավունքի տեսանկյունից: Ներկա դեպքում, մեղ հետաքրքրող կոնկրետ խնդրի կապակցությամբ, նույնիսկ դժվար է ասել, թե Ս. Նդիազարյանցն ինչպես է պատկերացրել ֆեոդալիզմի, ֆեոդալական կարգի էությունն ու առանձնահատկություններն Արևելյան Հայաստանում, երբ բացասել է հասարակության առանձին դասակարգերի գոյությունն այնտեղ, Այդ բացասումը լրացնում են գյուղական համայնքի՝ ըստ էության դասակարգային միատարրությանը վերաբերող և դասակարգ-դաս լայնիմաստ հասկացությունը բովանդակազրկող կանխադրույթները, որոնք նա փորձել է հիմնավորել մարդկանց միատեսակ զբաղմունքի ու, դրա հետ կապված, տերունի հողատիրության և գյուղացիական մուլքատիրության միանշանակ փաստարկմամբ: Ծիշտ է՝ ֆեոդալիզմի դարաշրջանում գյուղացիական հողատիրության՝ ձևերը կարող էին փոփոխվել կոնկրետ պատմական պայմաններում ու լինել բազմակերպ սկսած հողի (հաճախ նույն տերունի հողերի) կարճժամկետ վարձակալումից մինչև անժամկետ-ժառանգական «տիրում», որը և «երբեմն մերձավորապես հիշեցնում է լրիվ սեփականություն»³⁸: Սակայն այդ «հողատիրությունը», առաջին հերթին, հասարակական արտադրությունն ու «արտատնտեսական հարկադրանքով» հիմնական արտադրողների ֆեոդալական շահագործումը կազմակերպելու տնտեսական նախադրյալն էր: Անգիտանալով այդ իրողությունը և մարդկանց սոցիալ-հասարակական կացության բնորոշ հայտանիշ ճանաչելով նրանց զբաղմունքի տեսակը՝ Ս. Նդիազարյանցը չպետք է կարողանար հստակ պատկերացնել իր իսկ նշած ֆեոդալական հարաբերությունների ֆիքսացիան հասարակության դասակարգային բաժանման մեջ՝ դասակարգ-դասերի թե՛ տնտեսական, թե՛ իրավական առանձնացման առումով:

Այսպիսով, Ս. Նդիազարյանցի վերոհիշյալ իրարամերժ կամ անհարիր դրույթները՝ առաջադրված հայկական գյուղական համայնքի համադասայնության փաստի մեկնաբանության առթիվ, ոչ թե լոկ տղաս, «դասակարգ», «ազնեւականություն» բառերի պայմանական, երբեմն՝ շփոթ գործառնման հետեւմանք են, այլ՝ սկիզբ են առնում ֆեոդալական հողա-դասային հարաբերությունների և մարդկանց սոցիալական դրության կարևոր հարցերի մակերեսային արժարժման տեսական-մեթոդոլոգիական խոցելի ակունքներից:

925—926), իսկ Ս. Էսաձեի համոզմամբ մուլքն ու թիւլը, որպես բնակիչ կալվածքների տիրման ձևեր, «համարյա միատեսակ նշանակություն ունեն» և «առաջացել էին իրավունքի նույն ակունքներից», ինչպիսիք ունեն «ֆեոդալին կամ լենային իրավունք գերմանական դրոժինաների մեջ» (С Э с а д з е, Историческая записка об управлении Кавказом, т. I, Тифлис, 1907, с. 546—547): Ֆեոդալական առանձնաշնորհման այդ միատեսակ ձևերը, նրանց կարծիքով, պարզապես զարգացման նույն ընթացքը շունեցան Եվրոպայում և այստեղ:

³⁸ Б. Ф. Поршнев, Феодализм и народные массы, М., 1964, с. 36.

К ВОПРОСУ О ВСЕСОСЛОВНОСТИ АРМЯНСКОЙ
СЕЛЬСКОЙ ОБЩИНЫ

САМВЕЛ АЛЕКСАНЯН

Резюме

С. Егиазарсв неоднократно подчеркивал сословность армянской сельской общины. Однако, считая «вид занятия» людей определяющим их социальное состояние и положение в обществе в странах Востока вообще, он выдвинул несостоятельный тезис о том, будто «высшее сословие» Восточной Армении позднего средневековья и первой половины XIX в. большей своей частью (за исключением некоторых наследственно-родовых беков и меликов) вместе с остальным сельским населением принадлежало к одному и тому же «земледельческому классу». По С. Егиазарову экономическое и правовое обособление всякого рода «привилегированных», живущих в деревне, от крестьянства имело место лишь с 1860-х годов (с утверждением Положения о «сословной общине» в 1864 г.). Здесь очевидно недопонимание фундаментального значения основного вопроса феодальной земельной собственности, то есть классовой сути экономической реализации земли (феодальной ренты). Последствием этого и являются противоречивые суждения С. Егиазарова, затрагивающие вопрос о сословно-классовой структуре восточно-армянского общества и весьма абстрактное применение им терминов «сословие», «класс», «дворянство», «служилый класс», а также искусственное сужение им понятия «правовое обособление».